

KONTROL MOZIOA

Donostiako larrialdi klimatikoaren adierazpenari buruzkoa

Garbiñe Alkiza Lopez de Samaniego EH BILDU udal taldeko zinegotziak, Udalbatzaren Organo Araudiko 98. artikulua oinarri, mozio hau aurkezten du, Udalbatzan azter dadin. Mozioa 2020ko urtarrilaren 18an Lurralde Garapen eta Planifikazio Batzordean aurkeztutako interpelazioaren ondorioa da.

JUSTIFIKAZIOA

Tokiko Gobernu Batzordeak, 2020ko martxoaren 17an egindako ohiko bileran, hirirako Larrialdi Klimatikoaren Adierazpena onartu zuen.

Larrialdi Klimatikoaren Adierazpenari lotutako ekintza proposamena egin zuen publiko Udal Gobernuak martxoaren 20an. Proposamen horretan, beste zenbait atalaren barruan honako bi ekintza hauek zeuden:

- Jarraipen mahai politikoa sortzea, klima larrialdi adierazpeneko neurriak bultzatzeko
- Klima aldaketaren aurkako borrokari laguntzeko sarea sortzea; sare hori herritarrek, enpresek eta erakundeek klima larrialdiari elkarrekin aurre egiteko modua izanik.

Larrialdi klimatikoaren adierazpena publiko egin zenetik bederatzi hilabete pasatu direnean, bertan adierazitako neurri asko oraindik ere ezarri gabe daude, eta ez dute ez aurrekonturik ez kronograma zehatzik.

Oraindik ere ez da inolako jarraipen mahairik ez sarerik sortu eta horri buruz interpelatu genuen urtarrilaren 18ko batzordean. Bertan adierazi zitzaigun Larrialdi Klimatikoaren Adierazpena udal taldeekin eta Ingurumen Kontseilu Sektorialean landu zela eta lantzen ari zela, baina hori ez da horrela izan. 2019ko urriaren 22ko Ingurumen Kontseilu Sektorialean Osasun eta Ingurumen zuzendariak puntu hori aurkeztu zuen, eta deklarazioa abenduko lehen asterako aurreikusten zuela adierazi zuen orduko zinegotzi arduradunak; eta adierazpen horri ekarpenak egiteko epea eman zien kontseilukideei abendura arte. Orduetik ez dugu bestelako erantzunik jaso: soilik prentsa bidez 2020ko martxoaren 17an aurkeztu zen adierazpena baino ez.

Sareari dagokionez, batzordeetan jaso dugun erantzunaren arabera, oraingoz hainbat unibertsitarekin eta industria alorreko eragileekin egin dute lanketa. Baina ez zen adierazi

EH Bildu talde politikoa

Grupo político EH Bildu

Ijentea, 1 - 20003 Donostia
Tel. 943481027 eh_bildu@donostia.eus-- www.donostia.ehbildu.eus -

bestelako hiriko eragileekin harremanik izan denik. Horri erantzunez, urte honen erdialdean edo amaieran sare birtual bat eratzeko asmoa adierazi zitzaigun, konpromiso-gutun bat adostu asmoz.

Bestalde, 2021eko urtarrilaren 20an ikusi dugu Bartzelonako Institute For Global Health (ISGlobal) erakundeak inoiz egin gabeko ikerketa bat egin duela: Europako hirietan airearen kutsadurak eragiten dituen heriotzetatik zenbat saihestu zitezkeen kalkulatu du, eta zerrenda bat osatu du ikerturiko 858 hiriekin. Bertan, Euskal Herriko hiri nagusiak agertzen dira. Ondorioztatu dutenez, Donostia da Euskal Herriko hiriburuen arteko okerrena, zerrendako 239. postuan dago, eta urtero 51 eta 123 heriotza artean saihestu zitezkeen airearen kalitatea hobetuz gero. Partikula finak deiturikoak (PM2,5) aztertu dituzte, 2015eko datuak erabilia; eta horrez gain, nitrogeno dioxido (NO₂) gasaren datuak aztertu dituzte.

Ikerketa honen arabera, heriotza goiztiar asko saihestu zitezkeen Europako hirietan urtero airearen kutsadura arinduta, batez ere OMEren mugak aintzat hartuz gero, eta neurriak berehala hartzeko eskatu dute.

Hortaz, adierazpenaren lehen aurkezpena 2019ko urrian izanik, COVID-19 pandemia tartean izanik eta honek ekarritako aldaketekin, hartu beharreko neurriak berrikusi egin behar direla eta horien aplikazioan berandu gabiltzala adierazi nahi dugu EH Bildutik.

Gure aldetik, ezinbestekoa ikusten dugu, klima aldaketaren aurkako neurriak ezartzeko orduan, orain arte adierazitakoak berrikustea eta horiei jarraipena emateko sarea eta mahai politikoa eratuak izatea.

Aspaldi dute eskaera hori eginga Donostiako hainbat eragilek (sindikatu, erakunde ekologista, auzo elkarte eta bestelako eragile ugari) eta horrela adierazi dute azken aldian. Egungo pandemia dela-eta, inoiz baino beharrezkoagoa da norabide aldaketa sakona egitea eta trantsizio ekologiko eta sozialki justu baten alde urratsak ematea.

Horiek horrela, honako hau da behean sinatzen duen zinegotziak aurkeztutako **KONTROL MOZIOA**:

1- Donostiako Udalbatzak hertsiki eskatzen dio Udal Gobernuari, 2020ko martxoan publikatutako Larrialdi Klimatikoaren Adierazpenaren harira, lehenbailehen jarraipen mahai politikoa sortzea, neurri horiek aplikatu aurretik berrikusiak izan daitezen, neurri berriak azter daitezen eta egun bizi dugun egoerara egokitu daitezen.

2- Donostiako Udalbatzak hertsiki eskatzen dio Udal Gobernuari, 2020ko martxoan publikatutako Larrialdi Klimatikoaren Adierazpenaren harira, lehenbailehen Donostiako

EH Bildu talde politikoa

Grupo político EH Bildu

Ijentea, 1 - 20003 Donostia
Tel. 943481027 eh_bildu@donostia.eus-- www.donostia.ehbildu.eus -

herritarrez, eragileez, erakundeez eta enpresez osatutako sarea sortzea, neurri horiek aplikatu aurretik berrikusiak izan daitezen, neurri berriak azter daitezen eta egun egun bizi dugun egoerara egokitu daitezen.

3- Donostiako Udalbatzak hertsiki eskatzen dio Udal Gobernuari mahai politikoarekin eta sarearekin adostutako neurrien etengabeko jarraipena egiteko aukera izan dezaten mahai politikoak berak eta Donostiako herritarrez, eragileez, erakundeez eta enpresez osatutako sareak berak.

Donostian, 2021eko urtarrilaren 22an

Garbiñe Alkiza Lopez de Samaniego
EH BILDU udal taldeko zinegotzia